



Selasa, 4 Januari 2022
Ogen: Perb. Rasul 16:29-34



Mabai Jabu Tek Man Dibata



Paulus ras Silas tetap erberita amin gia melala ancamen si seh man bana. Tuhu-tuhu icidakhenna maka ia rasul-rasul Kristus si meritaken Kata Dibata labo guna kepentingenna pribadi, maka ancamen dingin kiniseran si ugapana pe igengkenna, labo e erbanca ia surut. Tantangan ipebengket ku bas penjara pe ialakenna. Tapi la pediat Dibata si erdahinNandatkan kinilaadilen. Asum Paulus ras Silas ipenjara, jadi me si la terukuri secara logika pemikiran manusia. Asum tengah berngi Paulus ras Silas ertoto dingin rende muji Dibata rempet jadi linur mehantu. Si erbanca mugur-ugur palas penjara e, talang kerina pintun rumah penjara; rante-rante pengiket tan kalak tahanan si bas penjara nangtangen kerina.

Kejadin e erbahanca kepala penjara nggigir kebiaren. Enggo salah kal akapna bana, la ia ertanggungjabap nandangi dahinna. Akapna enggo kiamen kerina kalak si lit i abs penjara terlebih Paulus ras Silas. Enggo ibayangkenna ukumen si jadi man bana e me ukumen mate. Asum jadi si e kerina, idekdekna pedangna, munuh bana atena, lanai lit arapenna nggeluh madin akapna ia ngujungi kegeluhenna. Tapi itengah-tengah kebiarenna, alu sora megang Paulus ngerana: Ola sakiti bandu, i jenda denga nge kami kerina.

Teneng pusuhna meggi kata-kata Paulus e, sabap kerina tahanan lit denga bas ruangenna. E maka nina man Paulus: kai dage si arus ku bahan gelah aku terkelin? Nina Paulus, 'tek lah kam digen bereken dirindu iperidiken, kam ras se isi jabundu.' E maka lanai bo gedang iukurina, sabap enggo datna jaminen ketenengen ukur arah Paulus. E maka ia ras sada jabuna ibabaina tek nandangi Dibata. Kai si ibahan kepala penjara enda tuhu jadi usihen si mehuli. Selaku orangtua tanggung jabapta mabai jabunta tek man Dibata.